

Hercules and the Giant Cacus

Part 1

Hīc spēlunca fuit, vastō submōta recessū sēmihominis
Cācī faciēs quam dīra tenēbat sōlis inaccessam radiīs;
semperque recentī caede tepēbat humus, foribusque adfixa
superbīs ōra virum trīstī pendēbant pallida tābō. Huic mōnstrō
Volcānus erat pater; illius ātrōs ōre vomēns ignēs magnā sē
mōle ferēbat. Attulit et nōbīs aliquandō optantibus aetās
auxilium adventumque deī. Nam maximus ultor, tergemini
nece Geryonae spoliīsque superbus, Alcīdēs aderat taurōsque
hāc victor agēbat ingentēs, vallemque bovēs amnemque
tenēbant.